

BENEFICIARIO: COFRADIA DE PESCADORES SAN JOSE DE CANGAS

RESOLUCIÓN DO PROCEDEMENTO DE CONVOCATORIA DE AXUDAS EN RÉXIME DE CONCORRENCIA COMPETITIVA

ORDE do 21 de decembro de 2022 pola que se establecen as bases reguladoras xerais e a convocatoria para o ano 2023 para a concesión, en réxime de concorrencia competitiva, de axudas a proxectos colectivos, financiados polo Fondo Europeo Marítimo e de Pesca (FEMP), para a conservación e restauración da biodiversidade e dos ecosistemas mariños no marco de actividades marisqueiras sustentables, tramitada como anticipado de gasto (código de procedemento PE209B). (DOG Núm. 13 do 19 de xaneiro de 2023)

Expediente: PE209B-2023-00001

Examinados os informes do Servizo de Xestión de Proxectos, as actas e o informe da comisión de avaliación para a concesión das axudas, así como a proposta de resolución formulada polo presidente da dita comisión, apreciáronse os seguintes

FEITOS

Primeiro.- O 10/02/2023 a entidade COFRADIA DE PESCADORES SAN JOSE DE CANGAS, con NIF- G36014389, presentou solicitude de axuda para o proxecto "RECUPERACION DA SUBZONA B DO BANCO MARISQUEIRO PRAIA DO SINAL".

Ao abeiro do establecido nos apartados 11, 12 e 13 da Orde do 21 de decembro de 2022 citada, a solicitude, xunto coa documentación que a acompaña, foi cualificada, en canto a prazo e forma, como admitida a trámite.

Segundo.- As entidades solicitantes admitidas, valoradas e para as cales se propón a concesión da axuda, cumpren os requisitos establecidos na orde de convocatoria e nas súas bases reguladoras para ser beneficiarias da axuda.

Terceiro.- Feita a correspondente valoración pola Comisión avaliadora, o presidente da comisión formulou a proposta de aprobación de axudas ao órgano concedente, para os beneficiarios, proxectos, conceptos e importes correspondentes, así como a listaxe de reserva de aquelas solicitudes que, reunindo os requisitos establecidos na orde de convocatoria e sendo consideradas viables, non acadasen a puntuación necesaria para seren seleccionadas por falta de crédito (art. 19.2 da orde). A solicitude da COFRADIA DE PESCADORES SAN JOSE DE CANGAS, expediente PE209B-2023-00001, quedou na listaxe de reserva indicada

DIRECCIÓN XERAL DESENVOLVEMENTO PESQUEIRO
Rúa Irmandiños s/n - Salgueiriños
15701 Santiago de Compostela
Teléf. 981-546177
cma.dxdesenvolvemento@xunta.gal



*Actuación cofinanciada polo FEMP nun 75%. Programa operativo español 2014ES14MFOP001 [Prioridade 1 - OE1.b] - medida 121]
OIG: Dirección Xeral de Desenvolvemento Pesqueiro*

Cuarto.- Con data 03-07-2023 publicouse no DOG ORDE do 28 de xuño de 2023 de incremento do crédito da Orde do 21 de decembro de 2022 pola que se establecen as bases reguladoras xerais e a convocatoria para o ano 2023 para a concesión, en réxime de concorrencia competitiva, de axudas a proxectos colectivos, financiados polo Fondo Europeo Marítimo e de Pesca (FEMP), para a conservación e restauración da biodiversidade e dos ecosistemas mariños no marco de actividades marisqueiras sustentables, tramitada como anticipado de gasto (código de procedemento PE209B).

Quinto.- Con base ao citado incremento de crédito o presidente da Comisión de Avaliación dita con data 11-07-2023 nova proposta de aprobación de concesión das axudas a proxectos colectivos, financiados polo Fondo Europeo Marítimo e de Pesca (FEMP), para a conservación e restauración da biodiversidade e dos ecosistemas mariños no marco de actividades marisqueiras sustentables, aos integrantes da listaxe de reserva detallados no Anexo III Valoración indicador específico PE209B_2023. Aprobados-reserva-denegados á acta da Comisión de Avaliación asinada con data 29-05-2023, e co detalle de beneficiarios, proxectos seleccionados, accións para as que se propón a subvención e o importe da subvención proposta para cada un deles establecido no Anexo I Elexibilidade proxectos PE209B_2023 da mesma acta.

Sexto.- De acordo co disposto no artigo 5 das bases reguladoras, as entidades propostas como beneficiarias de axuda están ao corrente das súas obrigas tributarias estatais e autonómicas e coa Seguridade Social, non son debedoras por resolución de procedencia de reintegro e non teñen pendente de pagamento ningunha outra débeda, por ningún concepto, coa Administración Pública da Comunidade Autónoma.

Sétimo.- Consta fiscalización de conformidade do expediente de compromiso de gasto, existindo crédito suficiente e axeitado para a concesión da subvención na aplicación 15.03.723A.770.1 código de proxecto 2016.00293, dos orzamentos xerais da Comunidade Autónoma para a ano 2023.

FUNDAMENTOS DE DEREITO

Ademais da Orde do 21 de decembro de 2022, pola que se establecen as bases reguladoras xerais e se convocan estas axudas para o ano 2023 (DOG Núm. 13 do 19 de xaneiro de 2023), tívose en conta o disposto, entre outras, nas normas seguintes:

- Regulamento (UE) N. 1303/2013 do Parlamento Europeo e do Consello, do 17 de decembro de 2013, polo que se establecen disposicións comúns relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión, ao Fondo Europeo Agrícola de Desenvolvemento Rural e ao Fondo Europeo Marítimo e de Pesca, e polo que se establecen disposicións xerais relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión e ao Fondo Europeo Marítimo e de Pesca, e se derroga o Regulamento (CE) nº 1083/2006 do Consello.
- Regulamento de execución (UE) N. 821/2014 da Comisión, do 28 de xullo de 2014, polo que se establecen disposicións de aplicación do Regulamento (UE) N. 1303/2013 do Parlamento Europeo e do Consello.

DIRECCIÓN XERAL DESENVOLVEMENTO PESQUEIRO
Rúa Irmandiños s/n - Salgueiriños
15701 Santiago de Compostela
Teléf. 981-546177
cma.dxdesenvolvemento@xunta.gal





Actuación cofinanciada polo FEMP nun 75%. Programa operativo español 2014ES14MFOP001 [Prioridade 1 - OE1.b] - medida 121]
OIG: Dirección Xeral de Desenvolvemento Pesqueiro

- Regulamento (UE) 508/2014, do Parlamento Europeo e do Consello, do 15 de maio de 2014, relativo ao Fondo Europeo Marítimo e de Pesca (FEMP).
- Regulamento delegado (UE) 2015/531 da Comisión, do 24 de novembro de 2014, polo que se complementa o Regulamento (UE) 508/2014 do Parlamento Europeo e do Consello, do 15 de maio de 2014, relativo ao Fondo Europeo Marítimo e de Pesca.
- Regulamento delegado (UE) nº 1014/2014 da Comisión, do 22 de xullo de 2014, que complementa o Regulamento (UE) nº 508/2014, do Parlamento Europeo e do Consello, relativo ao Fondo Europeo Marítimo e de Pesca, no relativo ao contido e a construción dun sistema común de seguimento e avaliación das operacións financiadas no marco do FEMP.
- Regulamento de execución (UE) nº 1242/2014 da Comisión, do 20 de novembro de 2014, polo que se establecen, de conformidade co Regulamento (UE) nº 508/2014, do Parlamento Europeo e do Consello, relativo ao Fondo Europeo Marítimo e de Pesca, normas no que atinxe á presentación de datos acumulativos sobre operacións.
- Regulamento de execución (UE) nº 1243/2014 da Comisión, do 20 de novembro de 2014, polo que se establecen, de conformidade co Regulamento (UE) nº 508/2014, do Parlamento Europeo e do Consello, relativo ao Fondo Europeo Marítimo e de Pesca, normas sobre a información que deben enviar os Estados membros, así como sobre as necesidades de datos e das sinerxías entre as fontes potenciais de datos.
- Regulamento delegado (UE) nº 2015/288, da Comisión, do 17 de decembro de 2014, que complementa o Regulamento (UE) nº 508/2014, do Parlamento Europeo e do Consello, relativo ao Fondo Europeo Marítimo e de Pesca, no que respecta ao período de tempo e ás datas en relación coa inadmisibilidade das solicitudes.
- Regulamento de execución (UE) N.º 763/2014 da Comisión, de 11 de xullo de 2014, polo que se establecen disposicións de aplicación do Regulamento (UE) n.º 508/2014, do Parlamento Europeo e do Consello, relativo ao Fondo Europeo Marítimo e de Pesca, no que respecta ás características técnicas das medidas de información e publicidade e as instrucións para crear o emblema da Unión.
- Regulamento delegado (UE) nº 2015/2252 da Comisión, do 30 de setembro de 2015, polo que se refire ao período de inadmisibilidade das solicitudes de axuda do FEMP.
- Programa operativo para España do Fondo Europeo Marítimo e de Pesca V5 (aprobado pola Comisión o 20.08.2021)
- Preceptos básicos da Lei 38/2003, do 17 de novembro, xeral de subvencións, e do Real decreto 887/2006, do 21 de xullo, polo que se aproba o seu regulamento.
- Lei 9/2007, do 13 de xuño, de subvencións de Galicia.
- Decreto 11/2009, do 8 de xaneiro, polo que se aproba o regulamento da Lei 9/2007, do 13 de xuño, de subvencións de Galicia.
- Texto refundido da Lei de réxime financeiro e orzamentario de Galicia, aprobado polo Decreto 1/1999, do 7 de outubro, coas súas posteriores modificacións.
- Lei 39/2015, de 1 de outubro, do procedemento administrativo común das administracións públicas.
- Lei 40/2015, de 1 de outubro, de réxime xurídico do sector público.





Actuación cofinanciada polo FEMP nun 75%. Programa operativo español 2014ES14MFOP001 [Prioridade 1 - OE1.b) - medida 121]
OIG: Dirección Xeral de Desenvolvemento Pesqueiro

- Decreto 132/2006, do 27 de xullo, en materia de rexistros de axudas, subvencións, convenios e sancións.
- Lei 19/2013, do 9 de decembro, de transparencia, acceso á información pública e bo goberno.
- Lei 15/2014, do 16 de setembro, de racionalización do sector público e outras medidas de reforma administrativa.
- Lei 1/2016, do 18 de xaneiro, de transparencia e bo goberno.
- Criterios de selección para as concesións de axudas no marco do programa operativo da FEMP (documento consolidado xuño 2022)
- Circular 1/2018 pola que se establece a dispoñibilidade dos documentos establecida no artigo 140.1 do regulamento (UE) nº 1303/2013, do Parlamento Europeo e do Consello, do 17 de decembro de 2013
- Circular 5/2019 pola que se fixa o contido que establece as condicións das axudas (DECA) ao que se fai referencia no artigo 125.3.c do Regulamento (UE) nº 1303/2013, do Parlamento Europeo e do Consello, de 17 de decembro de 2013.

De acordo cos feitos e fundamentos de dereito expostos,

RESOLVO

CONCEDER a axuda a proxectos colectivos, financiados polo FEMP, para a conservación e restauración da biodiversidade e dos ecosistemas mariños no marco de actividades marisqueiras sustentables, á entidade e cos detalles que se indican á continuación:

Expediente: PE209B-2023-00001	Proxecto colectivo
Entidade: COFRADIA DE PESCADORES SAN JOSE DE CANGAS,	NIF: G36014389
Denominación proxecto: RECUPERACION DA SUBZONA B DO BANCO MARISQUEIRO PRAIA DO SINAL	
Ubicación do proxecto (municipio): Cangas	Provincia: Pontevedra
Importe total concedido: 13.200,00 €	Anualidade: 2023
Importe subvencionable: 13.200,00 €	Porcentaxe de cofinanciamento: 75%
Importe público FEMP (75%): 9.900 €	Importe público CA (25%): 3.300 €
	Importe privado: 0,00 €

Obxecto da operación:

c) As medidas de conservación positivas cuxo obxectivo sexa protexer e conservar a flora e a fauna, incluída a repoboación ou reintrodución de especies autóctonas, aplicando os principios da infraestrutura verde que se enuncian na Comunicación da Comisión titulada «Infraestrutura verde-mellora do capital natural de Europa» (COM(2013) 249 final, do 6.5.2013).

Contribúe aos obxectivos da ITI Atlántica por recibir contribución do FEMP polo/s seguinte/s artigo/s: 40.1.i).



Detalle da axuda concedida:

Ano	Acción	Importe concedido	Zona da actuación/Condición
2023	Contratación de embarcación para sementeira (1 xornada)	400,00 €	
2023	Contratación de embarcación para arado (2 xornadas)	800,00 €	
2023	Adquisición de 600.000 uds. de semente de ameixa babosa T. 15-18 mm	12.000,00 €	

Prazo de EXECUCIÓN:	Ata o 04/09/2023, inclusive
Prazo de XUSTIFICACIÓN:	ANTES do 10/09/2023

OBRIGAS DAS ENTIDADES BENEFICIARIAS

1.- Os beneficiarios deberán cumprir as obrigas sinaladas no artigo 5 das bases reguladoras e especialmente as obrigas derivadas do financiamento polo Fondo Europeo Marítimo e de Pesca (FEMP):

- Informar o público sobre a axuda obtida, de conformidade co artigo 115 e o anexo XII do Regulamento (UE) nº 1303/2013 do Parlamento Europeo e do Consello, e co artigo 15 da Lei 9/2007, de subvencións de Galicia.
- Facer constar expresamente a participación financeira do FEMP en todas as actividades de difusión ou promoción relacionadas coa actividade subvencionada

Durante a realización da operación, o beneficiario informará ao público do apoio obtido dos fondos:

- Facendo unha breve descrición da operación no sitio de Internet, no caso que dispoña dun, de maneira proporcionada ao nivel de apoio prestado, incluíndo os obxectivos e resultados, e destacando o apoio financeiro da unión. A descrición deberá permanecer durante a execución do proxecto, e cando menos ata a data do pagamento final.
- Colocando un cartel con información sobre o proxecto (tamaño mínimo A3), no que se mencionará o apoio financeiro da UE, nun lugar facilmente visible para o público, como a entrada dun edificio.
- O beneficiario colocará unha placa permanente ou cartel de tamaño significativo, en lugar ben visible para o público, no prazo de 3 meses despois da finalización dun proxecto que reúna as seguintes características:
 - Que o financiamento público total para o proxecto sexa superior a 500.000€.
 - Que o proxecto consista na compra dun obxecto físico ou no financiamento dunha infraestrutura





Actuación cofinanciada polo FEMP nun 75%. Programa operativo español 2014ES14MFOP001 [Prioridade 1 - OE1.b) - medida 121]
OIG: Dirección Xeral de Desenvolvemento Pesqueiro

iii. A placa ou cartel permanente deberá indicar o nome do proxecto, o seu obxectivo principal, o emblema e unha referencia á UE e a referencia ao FEMP, que ocuparán cando menos o 25% do cartel. Tamén se incluírá unha referencia ao logotipo da Xunta de Galicia.

Se o investimento consiste na adquisición de maquinaria ou elemento móbiles, a publicidade levarase a cabo mediante a colocación dun adhesivo perdurable.

c) Destinar os bens subvencionados ao fin concreto para o que se conceda a subvención durante un período mínimo de cinco anos. Durante este período, se o beneficiario pretendese o cambio de destino do ben subvencionado, o seu alleamento, gravame ou substitución por outro ben análogo, deberá solicitar autorización á Consellería do Mar.

De acordo co artigo 71 do Regulamento (UE) 1303/2013, se unha operación comprende investimentos en infraestruturas ou investimentos produtivos deberá reembolsarse a contribución do FEMP se, nos 5 anos seguintes ao pago ao beneficiario, ou 3 anos no caso de mantementos de investimentos ou de postos de traballos creados por pemes, se se produce o cese ou relocalización da actividade produtiva fóra da zona do programa ou un cambio na propiedade que proporcione unha vantaxe indebida ou un cambio substancial que afecte á natureza, obxectivos ou condicións de execución da operación. No caso de investimentos en infraestruturas ou investimentos produtivos, deberá reembolsarse a contribución do FEMP se, nos 10 anos seguintes ó pago final ó beneficiario, a actividade produtiva se somete a una relocalización fóra da Unión, excepto se o beneficiario é unha PEME.

d) Manter os investimentos e conservar os documentos xustificativos da aplicación de fondos recibidos durante un mínimo de cinco anos desde a percepción do último pagamento, para os efectos de comprobación e control.

e) Manter un sistema de contabilidade separado ou ben asignar un código contable adecuado que permita coñecer todas as transaccións relacionadas coa operación que se subvenciona, co obxecto de facilitar a pista de auditoría, de acordo co artigo 125 do Regulamento (UE) nº 1303/2013 do Parlamento Europeo e do Consello, do 17 de decembro de 2013, polo que se establecen disposicións comúns relativas aos «Fondos EIE».

f) Proporcionar toda a información e datos necesarios para poder proceder ao seguimento e avaliación do programa operativo, de acordo co establecido no artigo 111 do Regulamento (UE) nº 508/2014, relativo ao FEMP.

g) O beneficiario deberá seguir cumprindo as condicións previstas no artigo 10 do Regulamento (UE) 508/2014 despois de presentar a solicitude e durante todo o período de execución da operación e durante un período de cinco anos despois da realización do pago final.

h) De acordo co artigo 140, apartado 1 do Regulamento (UE) nº 1303/2013 de 17 de decembro de 2013 polo que se establecen as disposicións comúns relativas aos fondos EIE (RDC), todos os documentos, xustificativos relativos a os gastos financiados polo FEMP, estarán a disposición da comisión e do Tribunal de Contas Europeo, se así o solicitasen, perante o prazo de dous anos contados a partires do 31 de decembro seguinte á presentación das contas nas que estean incluídos os gastos da operación unha vez concluída.





Actuación cofinanciada polo FEMP nun 75%. Programa operativo español 2014ES14MFOP001 [Prioridade 1 - OE1.b] - medida 121]
OIG: Dirección Xeral de Desenvolvemento Pesqueiro

2.- A Lei 9/2017, de 8 de novembro, de Contratos do Sector Público, establece no apartado d) do punto 3 do artigo 3 que *"todas as demais entidades con personalidade xurídica propia distintas das expresadas nas letras anteriores que foran creadas especificamente para satisfacer necesidades de interese xeral que non teñan carácter industrial ou mercantil, sempre que un ou varios suxeitos que deban considerarse poder adxudicador de acordo cos criterios deste apartado 3, ben **financien maioritariamente a súa actividade**; ben controlen a súa xestión; ou ben nomeen a máis da metade dos membros do seu órgano de administración, dirección ou vixilancia."*

No caso de que a súa entidade teña a condición de poder adxudicador, de conformidade ao establecido no parágrafo anterior, deberá respectar nas actuacións que realice obxecto de subvencións o disposto na Lei 9/2017 de Contratos do Sector Público.

CONDICIÓN S DE CUMPRIMENTO E XUSTIFICACIÓN

1) Os beneficiarios quedan obrigados á realización do sinalado nos puntos 1 e 2 do artigo 5 da Orde de bases reguladoras xerais aprobadas pola Orde do 21 de decembro de 2022 (DOG núm. 13 do 19.01.23). Non en tanto, as operacións non se seleccionarán para recibir axuda do FEMP se concluíron materialmente ou se executaron integramente antes da presentación da solicitude de axuda polo beneficiario.

Nos casos en que fora precisa autorización da Demarcación de Costas (por tratarse de dragados) Autoridade portuaria (aporte de áridos), Medio Ambiente (por inclusión na zona Natura), Patrimonio e/ou outros preceptivos, para realizar as actividades subvencionadas e a súa posterior xustificación deberán estar efectivamente concedidas esas autorizacións/permisos.

2) A xustificación da execución dos proxectos subvencionados deberá realizarse consonte o esixido no artigo 24 das bases reguladoras.

Xunto coa xustificación deberase achegar copia dos permisos e licenzas requiridos para as actividades subvencionadas.

O seu pagamento quedará supeditado á correcta realización e xustificación de todas as actividades do proxecto obxecto de axuda. Non si poderase proceder ao pagamento daquelas actividades do proxecto que producen efectos independentes, se son recoñecidas como tal, en aplicación do artigo 24.5

Os gastos deberán xustificarse segundo o disposto no artigo 24 da dita orde de convocatoria.

3) Independentemente do sistema establecido para a xustificación da subvención, deberán manterse, a disposición da Comisión Europea e do Tribunal de Contas Europeo, os documentos xustificativos relativos aos gastos subvencionados, ata o 31 de decembro de 2023, salvo que o prazo que resulte do establecido no artigo 140 do Regulamento (UE) 1303/2013, del Parlamento Europeo e do Consello, de 17 de decembro de 2013, sexa distinto, nese caso comunicarse coa antelación suficiente.

4) Os beneficiarios, ademais, deberán cumprir en calquera caso as obrigas e condicións que con carácter xeral se establecen no Regulamento (UE) 508/2014 do Parlamento Europeo e do Consello, do 15 de maio de 2014, relativo ao Fondo Europeo Marítimo e de Pesca, no Regulamento (UE) N. 1303/2013 do Parlamento Europeo e do Consello, do

DIRECCIÓN XERAL DESENVOLVEMENTO PESQUEIRO

Rúa Irmandiños s/n - Salgueiriños

15701 Santiago de Compostela

Teléf. 981-546177

cma.dxdesenvolvemento@xunta.gal



Actuación cofinanciada polo FEMP nun 75%. Programa operativo español 2014ES14MFOP001 [Prioridade 1 - OE1.b) - medida 121]
OIG: Dirección Xeral de Desenvolvemento Pesqueiro

17 de decembro de 2013, na Lei 38/2003, de 17 de novembro, Xeral de Subvencións, no Real Decreto 887/2006, do 21 de xullo, polo que se aproba o seu regulamento, na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o regulamento desta última, así como todas as establecidas na ORDE do 21 de decembro de 2022 pola que se establecen as bases reguladoras xerais e a convocatoria para o ano 2023.

- 5) Información, comunicación e visibilidade: informar o público sobre a axuda obtida, dando adecuada publicidade con expresa mención á participación do Fondo Europeo Marítimo e de Pesca (FEMP) e á súa porcentaxe de financiamento, e tendo en conta o artigo 15 da Lei 9/2007, de subvencións de Galicia.

O beneficiario debe achegar documentación que demostre o recoñecemento de que a operación recibiu o apoio dos fondos, adoptando en todas as medidas de información e comunicación:

1. Emblema da Unión, de conformidade coas características técnicas establecidas no Regulamento de Execución (UE) nº 821/2014
2. Unha referencia ao Fondo Europeo Marítimo e de Pesca (FEMP) que apoia a operación
3. O logotipo da Xunta de Galicia

Comunicarase ó Servicio Nacional de Coordinación Antifraude (SNCA) os feitos que podan ser constitutivos de fraude ou irregularidade, a través do seu canal de denuncia: <https://www.igae.pap.hacienda.gob.es/sitios/igae/es-es/snca/Documents/ComunicacionSNCA06-04-2017Canaldenuncias.pdf>

- 6) A entidade beneficiaria da axuda comprométese a aceptar todas as condicións establecidas na presente resolución de concesión da axuda. Así mesmo a aceptación da axuda implica a súa inclusión na lista de operacións publicada de conformidade co artigo 119, apartado 2 e Anexo V do RFEMP.

Esta resolución incorpora o contido do documento (DECA) ao que se fai mención no artigo 125.3.c) do Regulamento (UE) nº 1303/2013 do Parlamento Europeo e do Consello, do 17 de decembro de 2013, garantindo, polo tanto, coa notificación da presente resolución a comunicación á persoa beneficiaria do contido no dito precepto.

RECURSOS

Contra esta resolución, que pon fin á vía administrativa, poderase interpoñer, con carácter potestativo, recurso de reposición ante a conselleira do Mar, no prazo dun (1) mes contado a partir do día seguinte ao da súa notificación, ou ben directamente recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia, no prazo de dous (2) meses contados a partir do día seguinte á dita notificación.

Santiago de Compostela
A conselleira do Mar
PD Orde do 21.02.22 (DOG núm. 41 do 01.03.22)
A directora xeral de Desenvolvemento Pesqueiro
Susana Rodríguez Carballo
DIRECCIÓN XERAL DESENVOLVEMENTO PESQUEIRO
Rúa Irmandiños s/n - Salgueiriños
15701 Santiago de Compostela
Teléf. 981-546177
cma.dxdesenvolvemento@xunta.gal

